


Ero kareta meronenymbo: Willem de Vink

JESUS MESIAS

J
E
S
U
S

M
E
S
I
A
S

MORO IROMBORO TYWAIPOREN AURANANO



O'to tauro'po otykon wairy



AWONO: Jesus romo'no wyino tawonje man. Amy jako pa'poro suma kynawondan romo'no wyino. Moro jako Tamusi moro iromboro auranano ytan suma pokoine (kareta jary 53-57).



EPEKIMANO: Tamusi maro orupano, l'wa epanamano (kareta jary 18, 19, 42).

ERATONOMAPOTOPOMBO KAPARA'MEMBO ONORY EWA'MARY: mo'karon Simosu moro Egypte wyino Tamusi 'wa taro'san ewa'maton amy kapara'membo onory ke. Mo'karon Jesus wekenanamon te romo'no wyino Tamusi 'wa Jesus awonga'po ewa'maton moro kapara'membo onory jako mo'karon Simosu 'wa (kareta jary 38-54).



I'MATYPYN AMANO: Jesus maro amano, Tamusi nisanory wara. Moro romo'no ko'po man.



JESUS NEMEPARY: Jesus wekenanen mo'ko tamepa Jesus 'wa man inoro.

JESUS WERAMARY: Jesus weramary me ro nono tu'pnaka, pa'poro oty kyne'petaka'matan. Asery me ero nono, moro kapu enapa kynaitan (kareta jary 57).



JESUS: moro tauro'po me man: Tamusi ajepano'san.

KOINENO AREPA: Perere maro, winu maro mo'karon iwekenanamon Jesus romby'po, awomy'po rapa ewa'maton (kareta jary 41).



MESIAS: Jopoto mo'ko tykapa man inoro. Moro Simosu auran tano Mesias moro Griek auran ta Christus man (kareta jary 52, 55).

SATAN: mo'ko poto 'su Tamusi y'tu'kanen onepyn yjoro'kan mo'ko suma jenono'san inoro.

SUMA KURANONDORY TAMUSI 'WA: mo'karon tynisanory waranokon suma ytan Tamusi kurano me kapu ta (kareta jary 10-11).

TAMUSI A'KARY: ta'kary emamyry 'se Tamusi man mo'karon Jesus wekenanamon ta (kareta jary 58).

TAMUSI AMYIKARY: Tamusi mamykaje tyka'po wara aitoto man me (kareta jary 58).

TAMUSI AURAN MERO'PO: Moro Bijbel ro moro man. Ita ro moro suma poko Tamusi wonumengary, iwairy enapa tymero man.

TAMUSI NUNDYMARY: wararo Tamusi 'wa suma wepanamatopo (kareta jary 58).

TAMUSI YMURU: Jesus ekari'topo moro man. Tamusi ymuru me Tamusi wyino tywo'se man nono tu'ponaka.

TAMUSU APOJON: onepyn Tamusi pyitory (kareta jary 5).

WAKAPU: suma wotopombo wewe. Wakapu poko ro typoka Jesus tyromo'se man. Wakapu mero'po iwekenanamon ekari'san (kareta jary 25, 50).

YJA'WAN ME AINO KARY TAMUSI 'WA TYTURU'PO WYINO: yja'wan me suma we'i'po kanon Tamusi tyturu'po wyino, tyja'wany je'tuma'poto suma 'wa, tamamyry u'mary 'se iwe'i'poto enapa. Moro wara ro Tamusi kynaijan Jesus 'wa kyja'wanykon epema'po ke (kareta jary 58).

YJA'WAN ME AINO: Tamusi wyka'po rato kynikaprykon otykon. Morokon ro Tamusi wyino kamimatton (kareta jary 4).



Noky me Jesus Mesias nan?

2000 siriko uwaporo Jesus tywaije man moro Israel po. Jesus Christus me, Jesus Mesias me pai kysejatojaton. Moro tauro'po me man Jesus wairy jopoto me. Amy typo roten jopoto kapyn te mo'ko man. Tamusi ymuru me, suma ymuru me enapa kysejatojaton. Moro tauro'po me man Tamusi wyinono me iwairy, suma wyinono me iwairy enapa. Moro Jesus emamy'po ro tymero man moro Bijbel ta. Wararo moro emamyry ekary ekari'saton iwekenanamon.

Jesus jako

Moro sirikokon wytory kysu'kujaton Jesus woma'topombo siriko wyino. Jesus jako mo'karon suma wytotopombo man typupurukon poko, parito tu'po pai, kameri tu'po pai, kaware tu'po pai. Nederland po, Belgie po enapa mo'karon Batavier, mo'karon Fries, mo'karon Kaninefaat tamanje mandon. Kareta merory, kareta erupary tupi i'waine man. Amykon 'wa terapa kareta merory uku'topombo tywaije man, eneke tyre, mo'karon Israel ponokon Simosu 'waine. Mo'karon ro kareta pokonokon me tajato mandon amykon 'waine. Moro Bijbel tatynen kareta ta moro Tamusi auran man. Pa'poro oty ka'nenymbo mo'ko man. Pa'poro suma maro iru'pa tywairy 'se man. Iro ro iporo takari'se mo'ko Jesus 'wa man.





Moro Jesus jakono Israel

Poto 'su aitopo: Jerusalem.

Israel wota'saka'san: Galilea, Samaria, Judea.

Israel jopotonory: 28.000 km². (Suriname 163.820 km²).


Israel kapuru embatary: iromy jako asin pe man, i'sano jako sara'me man.

Israel undymary: moro siriko 63 wyinombo ro moro Jesus womary uwaporo mo'karon Rome wyinonokon Israel undymaton.


Israel jopotory: mo'ko Rome wyinono Pontius Pilatus Israel jopotory me man. Mo'ko Pilatus jopotory me Tiberius man. Mo'ko ro pa'poro moro Rome yinonory joporoty me man.

Israel tamusiry: Jerusalem po mo'karon Simosu 'waine moro Tamusi auty tamy man. Moro po ro mo'karon Tamusi pyitorykon tamamine mandon. Mo'karon Tamusi uku'namon, eneko tyre mo'karon Farise me aitonon, suma emepaton Tamusi auran poko.


Israel ponokon auranano: Simosu auran, Griek auran, mo'karon Rome wyinonokon auran.



O'tonome ko moky imero suma pe'ja 'wa ny'san?



Ajemamyry u'matoko! Moro Tamusi nundymary irombo kyno'san.



Amy asery amano a'moko!



Moro Tamusi 'wa iromboro auranano ytopo wywy irombo tyje terapa man moro wewe mity po ...




Pa'poro yja'wan me epetatoto wonatopo a'kotota'ton. Irombo wa'to taka kynemata'ton.



Pa'poro iro ke ka'kotorykon man! Noky ko iro ke iru'pyn me tamamyry taro nan?

Ipororo! Tamusi 'wa iromboro auranano yry wyinombo irombo awetuwarikary mupija. Ywena'po ta te mo'ko koro'na akorokanen suma kyno'san.



Uwam'po awairy kysunemyi! Ero wyinombo ro amy terapa amano arory 'se man? Asetykapoko iro ke tuna taka!




Moro waro ro menepoja amy asery amano 'se awairy!

Mo'ko pe'ja po Tamusi auran ekari'nen ejatojaton
Johanes, mo'ko suma etykanen me.

Awu, ypoko ito'pa man.
Mo'ko amy suma, mo'ko
noky me Tamusi wairy
enepotan inoro emary te
sika'sa. Mo'ko ro Tamusi
A'kary ke, Tamusi wa'tory
ke enapa ajetykata'ton.
Moro ro amy me terapia
ajyjan.



Irombo terapia ...




O'wa te
yjetykary
tywaije man!



Ika'ko. Ero wara irombo
moro kywyinoine Tamusi
i'se iwaitopo kysika'saton.





Papa, oro moro
anundymary no'nen.
Irombo moro
anisanory kyno'ka'tan.



Irombo amy auranano kapu wyino
kynotapojan...

A'a! Amoro mo'ko
poto me ynipyary
ymuru amoro
mana! Amoro
moro yturu'po tano
wokyry amoro
mana!





Morokon kamando'kon siriko u'kuru a'mory ta mo'ko suma etykanen Johanes 'wa Israel po mo'ko kapano'namon man wopyry man takari'se man. Moro jako moro Israel amy u'kupyn aitopo me tywaije man moro poto 'su aitopo Rome nundymary ta.



Mo'karon Israel ponokon Simosu ru'me kynotapojaton tyjenono'namon 'wa. Mo'karon Simosu mo'ko Mesias enery 'se mandon. Mo'ko ro, mo'ko imbonakanamon mo'ko man. Moro ro morokon penato Simosu karety ta tymero man. Mose imbonakanamon iromboro auranano ipotan suma 'waine.



Moro Jordan pe'jary po mo'ko suma etykanen Johanes tainary ke Jesus ekari'san.


Eneko! Mo'ko Tamusi kapary'membo, moro ero nono yja'wanymbo kanen!




Moro etyka'po wyino Tamusi A'kary 'wa Jesus wo'i taka taro man...



Oko kari'na kurita, koko enapa moro iponomyn po tywaije man. Moro jako amy pairo oty anenapy'pa man. Tamusi 'wa tauranary ta, tywonemary ta enapa irupyn me 'ne ka'tu rapa moro tamamin man eneian.



Iru'pa iwo'ka'to'me Jesus 'wa Tamusi wonumengatopo ekarityry man irupyn me ero nono tu'po. Tamusi irombo ero nono tu'ponokon ymbokary 'se man moro romo'no wyino.



Jesus mo'ko yja'wan tamuru maro kyno'wo'matan, mo'ko onepyn ewarumyn jopotory maro. Mose Tamusi y'tu'kanen ro ero nono undymanon romo'no ke, kota'mano ke enapa.



A'a Papa, moro anisanory kapyry 'se wa.

Mo'ko yja'wan te Jesus wonumengary u'mary 'se man moro Tamusi nyry'po amaminano wyino.

Tamusi ymuru me aja'ta ero topu ika'ko perere me!

Uwa! Morokon kareta ta irombo tymero man: "Perere poko roten kapyn suma kynemandan, pa'poro Tamusi yndary wyino epa'katoto auranano poko te".

Tamusi ymuru me aja'ta iro ke onepoko irombo. Ero auto re'ta wyino ata'porongo! Imero'pa tywaije nan mo'karon Tamusi apojongon 'wa ajaipyiry man?

Eneko! Pa'poro pori'to o'wa sytake ero nono tu'po awokunama'poto yjety awongato'me.


Morombo me ro mo'ko yja'wan tamuru Jesus nondanon a'si'ko. Tamusi apojongon kynosaton Jesus ety awonga.

Tymero te enapa man: "Mo'ko Ajopotory Tamusi anu'ku'pa maitake.



Omimako, y ja'wan tamuru! Tymero irombo man: "Ajopotory Tamusi po'ponaka roten mokunamatake. Mo'ko ety roten mawongatake."



Jesus imero Tamusi A'kary ke ta'no'se man tytory jako rapa Galilea 'wa. Moro po ro, moro pyimano emandonon aitopo Libanon wypy pato Israel po tywetuwaro'ma man. Itory ta amykon kyniwekenaton. Ukutyry 'se mandon ipororo Mesias me iwairy, mo'karon Tamusi auran uku'ponamonymbo nekarity'pombo me.

Kana po, amy aitopo morokon Galilea wypyrykon tu'po, amy aimyno ewa'mary man.



Jesus ro rypo moro po man tysano maro, amykon ta'sakarykon maro enapa.





Kafarnaum amy iru'pyn woto pokonokon waitopo moro man moro Galilea tunary po. Ero po ro Jezus 'wa kurando tauranary ta'mo man moro Tamusi nundymarv poko.



Ero po ro koromo 'ne tynemeparykon me amykon suma tyje i'wa man.




Petrus, ka'makon moro ijansikyry taka. Moro po morokon asipiry emako.




Na'na emepanen, moro wara na'na nemamyi, amy paio woto anapy'i'pa.



Iru'pa man, amoro awykary jako ...



Na uwa! Oty ko moro nan?





Jacobus! Johannes!
O'toko 'ne! Koromo
woto apyitopo
na'na 'wa ero
wara.




Omimako ywyino, Jopoto!
Tyja'wangen suma awu wa!

Tanarike kyte'i, Petrus. Erombo me ro
suma pokonokon me terapa maita'ton!



O'toko 'ne! Suma pokonokon me
terapa kyta'ton!




Kywekenat
oko!

Jesus kyndopo'san tynemeparykon maro moro Galilea ta. Moro Tamusi nundymary man ekari'san. Ukuty'pa 'ne roten anyky ety'no'kanon. Mo'karon akywano momanon. Pa'poro suma kynonumengaton. Kyniwekenaton, wararo wyino, Jerusalem wyino pairo. Ekary etary apokupeine man.



Tykuranondo mo'karon ipyrata'non mandon. I'wanokon me moro Tamusi nundymarv man.


Tykuranondo mandon mo'karon kumytonon. Tasiwo'ke irombo kynaita'ton.



Tykuranondo mandon mo'karon a'tamotonon. Kanauwapo'ta'ton rapa.




Tykuranondo mandon suma 'wa ajenonopyrykon jako, tamero ikarykon jako enapa o'waine, ywena'pota awopyrykon poko. Poto me irombo moro ajepetykon kynaitan kapu ta.




Ajenarykon 'se awairykon wara enapa amykon terapa suma enatoko.




O'tu'kanamon ipynatoko. Epekimatoko enapa ipokoine.



Ekapyn ta kurangon otykon ika'toko, amykon terapa 'wa ukutyry pona.




Amy wo'potyry jako amy woryi 'wa ipoko tywowa'no'to'me, mo'ko'wa tyturu'po ta moro takonone aino tany'ma terapa man.



Moro onunano moro ja'munano aweiry moro man. Iru'pyn me imero oty enery jako o'wa, moro ajemamyry imero taweije man. Moro ajenuru a'ta te yja'wan me, ewarumyn ta imero ajemanjan.




Amy paio suma oko jopotokon 'wano me e'i'pa man. Mo'ko Tamusi 'wano me pai man, moro pyrata 'wano me te pai.



Kytesy'kai koro'pono oty poko. Tamusi nundymary 'ne ka'tu te upiko. Irombo moro anisanory mepotake.



Ywykatopo ika'ko. Irombo amy topu ku'po tauty amynen suma wara maitake. Moro wara e'i'pa aja'ta, moro ajauty amy atu'mu'toto sakau ku'po mamyjan.



Amy kurita ta moro Jesus waitopo auto 'wa kynotunsi'kojaton mo'karon suma moro Kafarnaum po.

Moro 'wa kytorykon kysupijaton.

Auto re'ta roten iro ke. Pa'poro iwo'ny'topombo ku'poro!

Oty ko moro po no'ka'san?

Ipoko kytaiton! Poto me Tamusi amyikaton.

Oja'wanykonyombo tyka man!


Iru'pyn me 'ne ka' tu rapa! Metaton?

Tamusi ety jamikanon!

Tamusi roten suma yja'wanyombo kanon.

Oty ko tupi me nan amy iwajakuta'po 'wa tauroto'me: "Ojawanykonyombo nokai.", "Ajawongo!" te pai?

Mo'ko suma ymbokanen ekosa pori'to man, suma yja'wanyombo kato'me. Wykaje enapa te: Ajawongo! Moro awo'ny'topo anungo! Irombo ita!



Iru'pa imero!


Pyre rapa kyny'san!

A'a! Pyre rapa wy'sa!


Pa'poro 'ne ewa'po'pa mandon Jesus auranary poko. Mo'karon Tamusi auran pokonokon jopoto tuwaro mandon moro Tamusi wyka'pombo wara Jesus wairy poko. Moro otare'matopo kurita emamina'pa suma wairy man Israel po.



Mose amy ainamuriri'ta'po wokry. Ero kurita iru'pyn oty kapyry o'wa nan, uwa te ka'tu?



Ajainary eneko y'wa!





Iporo! Iru'pa rapa we'i!



Aike'kary man!

Mo'karon Jeruzalem pono jopotokon 'wa ukutyry man, mo'karon ero ponokon emu'mary l'wa!

Moro moky 'ne terapa iwairykon me ro Jesus kynomimanon moro wyino. Irombo Galilea tunary tu'ponaka kyny'san.










Na'na emepanen! Ko'i!
Ky'ma'saton terapa!







Oty poko ko tanarike 'ne terapa
mandon? Oje ko moro Tamusi
amyikary nan o'waine?














Ipororo wykaje o'waine: Mo'ko Ymunano ty'wano me oty anikapy'pa man. Mo'ko Tyjummy Tamusi nikapry oty ka'san te. Ynisanory oty anikapy'pa wa, Mo'ko nisanory te. Mo'ko ro irombo yjemokyi.




Jesus wytotopombo man tywepekimate'me.




Amy koko tywepekima'po wyino 12 me amykon yjan Tynemepary me. Oko oko pai kynemo'saton. Kynipori'tomaton je'tun pangon kura'mato'me i'waine, akywano momato'me i'waine.



Jesus nemeparykon me mandon Petrus typiry Andreas maro ...




Jakobus, typiry Johanes maro ...




Filipus, Natanael maro ...

Tomas, mo'ko Rome
wyinonokon jopoto 'wa pyrata
amoi'nenymbo Mateus maro ...



Tadeus, amy terapa Jakobus
maro ...



mo'ko areku pokono Simon,
mo'ko Judas Iskariot maro.





Itandoko! Mo'karon ajewa'manamon
yjewa'maton. Irombo mo'ko
yjewa'manenyumbo mo'ko
yjemo'nenymbo ewa'manon enapa.



Mo'karon 12 Inemeparykon
tawa'pore kyneramaton
tamamingon wyino. Morombo
wyino Jesus a'saka'pa tywairy 'se
man imaroine. Mo'karon
ata'nanopy'san te inondakarykon
'se'pa mandon.


Moro typotymy pyime man, ipo'namon waty te
mandon. Tamusi 'wa aturupotoko ipo'namon
amykon emo'to'me l'wa, morokon typotymy
a'myngato'me i'waine.





Jesus mo'karon suma epinopyry ta tauranary ko'manganon te.

Filippus, one wara ko mojan suma kysupata'ton? Uparykon man o'waine.



Ainapatoro kari'na amu'numbo pairo iwara e'i'pa kynaitan!

Mose myre'ko'ko ekosa roten ainatone perere, oko woto'makon man. Moro ko'po amy waty man.




Oro mo'karon suma tymonge pai natandy'mosen, oko kari'na itu'ponaka ainapatoro pai.




Jesus Tamusi ety awonganon.



Moro pa'po me perere, woto ekampopo'san.



Pyimano
ata'nanopy'san upanon
Jesus moro arepa
epyimakapory ta.



Mo'ko o'toto man Messias jano
mo'ko man!

Poto 'su jopoto me
kysysen!




Eneko te! Ainapatoro
iku'ponaka oko
kurukuru noro
ako'inymbo man!



Mo'karon suma emo'san rapa na'na auto 'wa. Amyjaron
iro ke kurijara ta itandoko moro koposenaka. Awu ero
wypy ra'na wainopoja Tamusi 'wa yjauranato'me.





Amykon Jesus yry 'se mandon jopoto me. Mo'karon Simosu jopotomanamon Rome wyinonokon momapory 'se mandon l'wa. Aseme noro te mo'karon Jesus jenono'namon pyime kynaijaton. Yja'wan me kynepojaton. Mo'karon suma ekonano'saton ipoko. Uta'kary 'se mandon.



Yjemepanen, one wara a'ta ko ijaro'wa mopyi?

Moro o'waine nyry'po perere poko kupijan?



Ajupu'po kysi'moi i'ma'toto man arepa poko, moro i'matypyn poko te, moro i'matypyn amano yjan iro poko te.



Awu moro i'matypyn amano ynen perere awu wa. Awu ypunumbo yjaton ro ero nono ku'po amano 'wano me.



One wara ko mo'ko wokry typunumbo yjan onoto'me ky'waine?

O'to roten kynganon!





Ka'makon, yja'sakarykon!

Ka'makon! Kynenapitanon!



Awytorykon 'se'pa enapa mandon?

Jopoto, noky 'wa ko na'na ny'tan? Ajekosa te moro i'matypyn amano ynen auranano man!



Israel po kurando morokon aito'kon wyino suma woto'konyombo i'waine man ija'wanykonyombo epety me, wakapu poko ipokarykon ta, anari me imero, Rome wyinonokon emery me.




Mo'ko yjekosa tywairy 'se aitoto 'wa pa'poro totyry nory man. Moro tywakapuru anumyry i'wa man. Irombo ywena'po ta iwopyry man.



Mo'ko tamamyry unemyry 'san kynuta'katan. Mo'ko yjupu'po me tamamyry uta'kanen te amano epotan.




Ukutryry o'wa man o'win roten Tamusi wairy.



Pa'poro aturu'po maro mo'ko Jopoto Atamusiry pynary o'wa man, aja'sakary pynary ena'pa, aseke awaipynary wara enapa.






Moro jako Israel po ko'kope pangon waito'kon tywaije man. Mo'karon iko'kope'non suma maro kapyn mo'karon ko'kope pangon wairy man.




Mo'ja imero iko'tarykon man tytorykon ta, mo'karon suma any'kory pona ty'waine.

**Ko'kope!
Ko'kope!**



Jesus! Yjemepanen! Na'na kotanory eneko!






Mo'ko Tamusi auran pokono 'wa itango!




Mo'ko Tamusi auran pokono 'wa te na'na wutory nan asenepo?

Na'na iru'pa rapa naitan?



?

!




A'a! Iru'pa rapa!



Iru'pa rapa kytaiton!

O'ko 'ne!



Tamusi iru'pa man! Ko'i pore, Tamusi!



Ainapatoronombo me kapyn iru'pa maiton? Oje ko mo'karon aja'sakarykon nandon? Tamusi ety awongary 'se'pa nandon?



Ajawongo! Moro Tamusi amyikary iru'pa roten ajyry'pa ne'i. Uta'no wyino enapa te okai.

Mo'karon Jerusalem ponokon Simosu jopotorykon tpyitorykon emo'saton Jesus 'wa, ekapyn ta eneto'me ty'waine. Moro auranary ato'keine man imero.

Ekapo'non suma maro iwaitopombo man. Eneko tyre, tyja'my ekaramanamon worryjan, Rome wyinonokon ainaka pyrata amo'i'namon suma maro man.

Mo'ko suma ymbokanen tywo'se man mo'karon utapy'san upi, epano'seine enapa.




Jesus je'tun pangon epino'san moro otare'matopo kurita...

Iru'pa rapa aiko!




Irombo mo'karon pitanikon 'wa na'nen tywo'po'se man...

Oro mo'karon pitanikon iro ke y'wa no'sen! Mo'karon iwaraine aitonon 'wa irombo moro Tamusi nundymary man!




Irombo Jesus ko'maton Betania 'wa, tyse waty Jerusalem wyino. Lasarus je'tun pe man. Mo'karon tanaunan Marta, Maria maro iru'pyn po Jesus uku'topombo i'waine man. Tytunda'po me ro te Jesus okupaine kurita terapa Lasarus unemy'po etanon.



Ero po awe'i'poto, mo'ko piry iromby'pa nairyine!



Mo'ko apiry kynawondan, Martha.



A'a, moro ro suku'sa. Nuro ro rapa kynaitan moro awono jako, moro iromboro kurita ta.



Awu moro Awono awu wa, moro Amano enapa. Mo'ko yjamyikanen nuro kynaitan. Moro mamyikanon, Martha?




A'a Jopoto! Samyikaje mo'ko Tamusi wykatopombo o'toto man ero nono tu'ponaka suma ymbokanen me awairy, mo'ko Tamusi ymuru me.




Oje ko myton?

Eneko, se, Jopoto!






Aseme noro mo'karon Jeruzalem ponokon potonon jopoto kynesykaton Jesus poko, mo'karon iwiyinonokon poko enapa.



Mo'ko wokry pyime onumengato'kon otykon ka'san!

Mo'ja ro moro wara oty ka'pory jako ky'waine, mo'karon Rome wyinonokon kynekonata'ton!

Moro Tamusi auty yja'wangata'ton, mo'karon ka'sakarykon wota'ton enapa!



Onumengatoko! O'win amy rombyry iru'pa man pa'poro ky'wanokon me, pa'poro kyrombyrykon ko'po!




Iro ke ko'wu mo'ko Jesus wory man!

Morombo me ro mo'karon Simusu jopotorykon Jesus yry 'se mandon mo'karon Rome wyinonokon ainaka. Mo'ko Rome wyinonokon jopotory 'wa ro roten romo'no taka suma yry man.

Moro jako amy oty ewa'matopo tywaije man Betania po.



Maria!




rombo moro epoporotopo te! Amy poto 'su pyrata moro man!




Moro ekaramary taro tywaije kytaton, irombo moro epe'po aripapry taro mo'karon otypyngon 'wa!




Ipoko kyte'i, Judas! Moro epoporotopo tykura'ma i'wa man moro yjunendopo kurita 'wano me!






Moro eratonomapotopombo kapara'membo
ewa'matopo kynitundanon. Moky imero suma
moro Jerusalem 'wa kyny'saton.




Mo'karon Simosu jopotorykon
kynonumengaton Jesus apyiry poko. Ise'me
moro poto 'su aitopo taka tyto man.





Moro poto 'su aitopo tano Tamusi
auty ro mo'karon Simosu 'waine amy
poto 'su oty moro man.



Moro eratonomapotombo
kapara'membo ewa'mary jako ro
mo'karon Simosu kapara'makon
wojaton.




Amy irakatonymbu koro'katon ro moro
Tamusi auty ta, tyja'wanykonymbu
wo'kato'me, iru'pa rapa Tamusi embata
tywaito'ko'me.




Irombo nokypan kapara'membo
koro'kary ko iro ke ipororo suma
ymbonakatan ija'wanymbu wyino?





Moro Tamusi auty pyrorory ta imero moky otykon
ekaramanamon mandon, pyrata ambo'namon enapa.




Typo roten Jesus ero po
enapa man...






Tamusi auty wairy man amy Tamusi 'wa auranatopo me. O'waine te amy tymonakamon waitopo me tyka'se man!



Anari me man! Mo'karon suma te ikatopo ka'saton ro.



Amy oma epory te man ky'waine ero nono wyino uta'kato'me.




Amy onapi maro apyiry u'kuru man ky'waine. Irombo iwopory man.

Moro oty ewa'mary ta kapyn te. Moro eratonapotombo ewa'mary jako areku wairy kapyn man.

O'toro ko myta'ton y'wa ipoko?

Judas mo'ko man! Amy inemepary!



Awu Jesus ajainakaine sytake!



Amy pyitonano epety ytan na'na o'wa, Jesus epety me! 30 amu'nymbo.

Moro eratonomapotombo kapara'membo onory ewa'mary uwaporo Jesus mo'karon suma 'wa kynaurananon moro Tamusi auty ta, mo'karon Simosu jopotorykon wyka'po rato. Irombo mo'ko Petrus Johanes maro mo'ko kapara'membo y'mo'ka kyny'saton.



Koko Jesus mo'karon ainapatoro itu'ponaka oko tynemeparykon maro ase'wa rapa tywo'se man moro poto 'su aitopo ta, mo'ko eratonomapotombo kapara'membo ono.


Ero koko moro oty sika'sa!





Jopoto, amy pyitonano wara yypupuru miku'mi'tan? Uwa pore!

Aku'mityry 'se'pa aja'ta y'wa, yjekosano kapyn amoro mana, Petrus.



Yjainary, yjupu'po enapa iro ke iku'mi'ko!

Amy ekupi'po 'wa typupuru roten ku'mityry man.




Yjemepanen, Jopoto mykatan y'wa. Moro ro iporo man. Ise'me te apupurukon siku'mi'sa. Iro ke ro ase'wa enapa ero wara aitoko.



O'win amy aja'sakarykon te yjekaramatan.


Awu kapyn waty?

Uwa!



Judas, moro anikapryy sanory ko'i ika'ko!






Ero o'kapyn ika'toko me, ypoko awonumengato'ko'me...



Ero perere syja o'wa. Yja'mun ero man.



Ero sapera syja o'wa. D295Ymynuru ero man, moro o'wanokon me kynekanjan iro. Iwara Tamusi amy asery me tykatopombo ka'san amaroine.



Amy asery taurotopo syja o'waine: Ase'wa aipynatoko, y'wa apynarykon wara enapa.



Moro aipynano a'ta ajekosaine, pa'poro suma kynuku'ta'ton ywekenary o'waine.



Jopoto, awytory wararo kywekenatake. Irombo yjemamyry o'wano me sytake!

Petrus! Mo'ko korotoko iko'ta'pa kynaitan moro oruwamboto yjukuty'pa awokarityry uwaporo.

Koko te Jesus mo'karon ainapatoro iku'ponaka o'win
tynemeparykon maro kyny'san moro poto 'su aitopo
wyino. Judas waty te man imaroine.

Wy'take awyinoine. Papa Tamusi te mo'ko kurano
Ta'kary emo'tan o'waine. Mo'ko ajepano'ta'ton.
Mo'ja ro ajekosaine kynaitan.

Moro ywytotopo oma
muku'saton.

Awu moro oma, moro iporono,
moro amano enapa awu wa. Amy
pairo yrato tytory upijan mo'ko
Papa 'wa.

Ero po aitoko, a'si 'ko mony 'wa
'kopore wy'sa Tamusi 'wa aurana.

Papa, amy oma a'ta ero ata'karykano
'wa kyratonomapoko.

Ynisanory te o'kapy'pa nainen.
Anisanory te no'ka'nen!

One wara ko amyjaron mo'ny'saton?
Ajawondoko! Eneko! Mo'ko
yjekaramanen nitundai terapa!



Mo'ko siposimatake inoro
apyitoko me!



Mondo man, yjemepanen?



Judas, mo'ko suma
ymbonakanen mekaramanon
iposimary ke?

Jopoto, na'na
niwotan?



Ipokoine
mandon!



Jesus wotaropory enery me ro aseke, pa'poro
inemeparykon kynetuwarikaton.



Jesus arojaton mo'ko Tamusi pokonokon jopotory po'ponaka.
Mo'ko ro mo'ko poto 'su Tamusi pokonokon jopotorykon
jopotory me mo'ko man. Petrus, Johanes maro kyniwekenaton
tyse terapa.



Petrus maname kyno'myjan
moro auto pyrorory 'wa.



He, amoro enapa kapyn imaro
makon?



Anukuty'pa te
pauro wa, se!

Amoro te amy inemepary enapa
amoro mana!



Uwa pore!

A'a! Amoro enapa imaro
makon! Galilea pono amoro
mana!

O'to awykary
anukuty'pa mana, to!





Ukukuku
u!
Ukukuu!



Tyse waty...



Ero me te uku'poko!
Noky ko owoi?



Kokoro 'ne Jesus arojaton mo'karon jopotokon po'ponaka.


Tamusi ymuru
amoro man?

Amyjaron mykaton.




Tamusi ety emapory i'wa! Irombry
man! Oro mo'karon Rome
wysinokon iromboro auranano ysen
itu'ponaka!

Jesús arojatón mo'ko Rome pono poto 'su jopoto po'ponaka. Mo'karon Tamusi auran pokonokon jopotorykon 'wa mo'karon moro po o'po'tonon suma tapokuma man. Ukuty'pa 'ne roten kynemendojaton.



O'to ko mykanon morokon ajemendoto'kon poko? O'to yka'pa man?



Oty ko mikapyi?





Moro iporono oty enepo wopyi.




Oty ko moro iporono oty nan?

Amy yja'wan oty anepory'pa we'i ita. Oty ewa'mary man. Noky ko sinondatan? Barabbas? Mose Simosu Jopotory te ka'tu?







Eneko mo'ko suma!

Ipokako!

Ipokako!

Ipokako!




Pilatus moro ikaretary kakanon. Moru wakapu poko aipokano amy iromboro yja'wan romo'no moro tywaije man. Jesus moro tykota'matopo wakapu aropo'san morokon Jerusalem emarykon ta.






Moro poto 'su aitopo wyino kurando moro suma wotopo man, moro Golgota (upu'pombo) tatynen.




Moro po ro mo'karon warinu pokonokon Jesus pokaton moro wakapu poko.






Jesus pokaton. Pilatus amy oty meropojan moro wakapu epo oruwa auranano ta: "Jesus, mo'ko Simosu jopotory".



Jesus moro ty'kakoren oty 'se'pa man.



Mo'karon warinu pokonokon moro iwo'mynbo poko kyne'kujaton.




A'a! Amykon terapa waty l'wa tapano'se nan?

Tamusi ymuru mo'ko nan? Oro iro ke moro wakapu wyino aseke no'kan!



Aseke opano'ko! Irombo na'na epano'ko enapa!

Tamusi inendoko! Ky'ko iporo kapety kysapyija. Mo'ko te yja'wan oty anikapy'pa tywaije man.



Ypoko onumengako me moro anundymary taka atunda'po me ro!

Iporo wykaje o'wa: ero me ymaro maitake moro iru'pyn aitopo po.





Kurita 'ne 'ne kynewa'rumanjan,
oruwa juru iwairy taro.



Maria, mo'ko Jesus sano, moro wakapu po
man mo'ko inemepary Johanes maro.

Ero me isano me mana.
Amoro i'me me mana.




Papa, Papa, oty poko ko kynoi?



Tuna 'se wa!



Papa, ajainaka yja'kary syja.



No'kapy'mai!

Jesus, oruwa po weju a'ta koine kyniromo'san. Warinu pokonokon isoropary pukaton. Tuna, mynu maro iwiyino kyno'san. Moro ro iromby'po enepojan i'waine.



Morokon kareta ta tymero man:
"Amy kapara'membo wara tywonen
man po'ponaka taro man."



"Typuka man. Tambo'po'se
enapa man, kyja'wanykon
upu'po me." Ero me te nirombyi.




Mo'ko o'toto man suma
ymbonaka ka'tu mose nan? Uwa
katu?



O'ko! Aturupo ka'ma
unendo'me.



Mo'ko Arimatea pono Josef mo'ko Nikodemus
maro mo'ko Jesus ekepy'po arojaton.
Kynikyrykrymaton. Kyninopondoaton. Irombo
unendopo topu atory taka kynyjaton.



Moro eratonomapotombo kapara'membo onoto'man otare'matopo kurita pa'po me amykon kata'mato aitonon worijan kyny'saton moro atunendopo 'wa.




Moro ipenary me yry'po topu tamima man!



Otono'me ko mo'ko nurono, mo'karon iromby'san ra'na mupijaton? Nawomyi rapa. Ekari'toko mo'karon inemeparykon 'wa.



Moro eta'po me ro Petrus, Johanes maro kyneka'tunjaton moro unendopombo 'wa.




Oty ko no'kapyi?




Itary'pa man imero!





Moro kurita jako noro oko kata'mato aitonon Jesus maro e'i'san kynauranaton amy moro pato y'toto suma maro. Moro Jesus wo'po poko kynauranaton.

Mo'karon Tamusi auran uku'ponamon anamyika'pa mandon? Moro wara kapyn mo'ko suma ymbokanen wota'karykary tywajije nan moro tykuranory taka tytory uwapo ro? Moro pa'poro kareta ta tymero man!



Moro arepa enapyry jako ro mo'ko etawanamon typo roten kynuta'san.

Jesus te mo'ko aseke ne'!



Ko'i terapa mo'karon ta'sakarykon upi kyny'saton.

Na'na mo'ko Jopoto enei!

Maria, Petrus enapa!




Typo roten...

Sara'me aitoko!




Anamyika'pa mandon awu me ywairy? Yjainary, ypupuru enapa enetoko!



Yjopotory, Ytamusiry enapa!




40 kurita jako Jesus kynosenepojan tywekenanamon 'wa. Amy jako pairo 500 suma 'wa kynosenepojan. Amy kurita ta amykon inemeparykon woto poko mandon.





Petrus, ipororo kypynanon?



Oruwamboto Jesus kynoturupojan moro wara Petrus 'wa.



A'a Jopoto, muka'sa apynary y'wa.

Mo'karon kaparary iro ke eneko!



Ywena'pota o'ko!



Pa'poro pori'to sapo'i kapu ta, ero nono ku'po enapa. I'ta ero nono wararo. Pa'poro suma ynemepary me yko. Etykatoko mo'ko Jumynano ety ta, mo'ko Ymunano ety ta, mo'ko kurano A'kanano ety ta enapa. Pa'poro morokon wykato'kon poko emepatoko!



Ero apytoko: Mo'ja ro ajekosaine wa, kurita wara ro, ero nono y'matry 'wa ro!


Ero wara tyka'po me ro Jesus ero nono nojan. Kapu taka taro man. Tyweramary man te takari'se l'wa man, mo'karon nono tu'ponokon poko moro iromboro auranano yto'me i'waine.

Mo'karon inemeparykon tywepekimarykon poko mandon Jerusalem po. Irombo mo'ko Tamusi A'kary kyny'san itakaine. Mo'ko Tamusi A'kary Jesus ta tywaije man inoro ero me mo'karon inemeparykon yjan asery me. Kynipori'tomaton ro moro Jesus ekary ekari'to'me i'waine.



Nono wararo ero me noro mo'karon Jesus wekenanamon kynota'nano'saton. Kynepekimateon. Moro Tamusi kareтары erupaton. Perere y'sakapo'saton. Sapera yjaton ase'wa winu enyto'me. Moro wara Jesus romby'po poko kynonumengaton. Moro Tamusi pyny aripa'saton wararo.

Jesus 'wa ro moro Tamusi
wonumengatopo mo'karon
suma maro iru'pa tyje man.



Jesus nyry aipynano poko
ko'i pore kykarykon man.
Ety awongako!



Poto me imero Tamusi ero nono
pynanon, mo'ko o'win'kono
Tymuru yto'me ty'wa. Pa'poro
mo'ko amyikanen utapy'pa
kynaitan, i'maty'pa roten te
kynemandan!

Moro Bijbel

Moro Jesus emamyry ekary moro Bijbel ta tymero man. Amy kareta waty man moro ko'po takare. Moro o'wino kareta ta ro pyimano kareta man. Morokon kareta ro tymero man 1500 siriko jako. 1900 siriko uwaporo tymero'ma tywaije man. Ita ro ukuty'pa 'ne roten auranano man. Morokon ro one wara suma poko Tamusi wairy ekari'san. Moro Jesus we'i'po ekary iru'pyn me noky me Tamusi wairy enepojan.

Moro Jesus we'i'po ekary

Moro Bijbel ta okupa'en kareta moro one wara Jesus we'i'po ekari'saton. Imeronamonymbo etykon ta tajato mandon. Mo'karon imeronamonymbo ro Jesus jako tamanje mandon pa'poro.

1. Mateus Jesus wekenanen me tywaije man. Mo'karon Rome wyinonokon 'wano me pyrata tamo'i'se i'wa man. Iru'pyn me tymero i'wa man one wara Simosu pokoine Jesus we'i'po.

2. Markus myre'ko'ko me noro tywaije man Jesus 'wa tamamin kapyry jako. One wara Jesus 'wa kapu wyinonokon otykon enepo'po takari'se i'wa man iru'pyn me.

3. Lukas amy suma epino'nen me tywaije man. Jesus anukuty'pa 'ne tywaije man. Moro one wara suma poko Jesus we'i'po ekari'san.




4. Johanes o'win amy Jesus wekenanen me tywaije man. Noky Jesus we'i'po tanepo iru'pyn me i'wa man. Jesus Tamusi me man. Suma me tywaije man mo'karon suma epano'to'me ija'wanykonymbo wyino.

Jesus woma'po


Jesus sano me Maria tywaije man. Jesus womary jako Maria ino'ma nasen tywaije man. Wokry anukuty'pa nasen tywaije man. Tamusi 'wa te Jesus tamapo man Maria 'wa. Morokon penatonon kareta ta moro kapu wyinono o'kapy'po tymero terapa tywaije man. Amy me terapa kapyn Jesus tywaije man iwoma'po wyino. Amy tonomy ytopo auto ta tywoma man, aitopo'ma isano wairy ke.

Morokon Jesus nenepo'san kapu wyinonokon otykon

Jesus 'wa pyime kapu wyinonokon otykon tanepo man. Eneko tyre, Bijbel ta 40 iwairy taro opino'no tymero man. Morokon kapu wyinonokon otykon ke pari'pe Tamusi wairy tanepo Jesus 'wa man. Suma epanopyry 'san me ro, tywaipore yrykon 'san me enapa mo'ko Jesus tywonepo man.



Jesus romby'po, awomy'po enapa



O'tonome mo'ko Jesus romby'po ekari'san moro Bijbel.

Amyombo jako pa'poro suma yja'wan oty ka'san. Morokon otykon 'se'pa ro Tamusi man. Morokon otykon kata'mato kynyan. Kynere'kojan. Mo'karon suma yja'wany ro Tamusi a'kotojan imaroine iru'pa iwairy wyino. Iro ke ro Jesus tywo'se man. Aseke ro mo'karon suma yja'wany epety tapyije i'wa man tytu'ponaka. Moro epety ro romo'no tywaije man. Moro Jesus rombyry ro iru'pa rapa kyjaton Tamusi maro. Morokon yja'wan me kynikapy'san je'tumary te ky'waine man.

Jesus enapa tawonje man romo'no wyino. Tamusi 'wa ro nuro rapa tyje man. Moro wara ro pari'pe tywairy tanepo Tamusi 'wa man romo'no ko'po.

Erome te Jesus Tamusi ekosa kynemanjan. Nuro iwairy ke ro kypynarykon poko roten man. Kapanopyrykon 'se man, Tamusi nisanory wara kamando'ko'me.

Epekimano

Tamusi maro iru'pa awairy 'se man?

Pa'poro yja'wan me awe'i'po mije'tumanon?

Epekimako iro ke ero wara pai:

Ynipyny Tamusi, ypynary suku'sa o'wa.

Aseke omuru tyje o'wa man.

Wakapu poko typoka tyromo'se man morokon yja'wan me ywe'i'po poko.

Moro yja'wan me ywe'i'po ikako rapa aturu'po wyino.

Sije'tumaje. Jesus 'wa yjepanopy'po poko tawa'pore wa.

O'wano me yjemamyry 'se wa.

Anisanory wara ro yjemando'me kapano'ko.

Mo'ja ro tyse waty aiko ywyino.

Ywepekimatopo ejukuru poko o'wa tawa'pore wa.

Awykatopombo ro mika'sa.

Amoro Jesus maro

I'maty'pa roten moro Jesus ekary man. Pyime suma 'waine Jesus iru'pa man, uwapo e'i'san 'wa, eromenokon 'wa enapa. Ero nono tywe'petaka'ma man. Ytopoty'pa noro kytaton parito tu'po, kaware tu'po pai. Kytopo'saton te tarara ta. Karirunjaton pai kawono tarara ta. Moro 'wa te Jesus o'poty'pa man. Israel po tytopoty'po wara erome enapa tyse waty tywairy taro man. One'pa man. Tyse waty te man. Erome noro iru'pa suma 'waine tywairy 'se man. Epanamako i'wa. Ipnako enapa.

Aseme noro iru'pa Jesus ukutyry 'se man? Imaro ajemamyry 'se man? Ero iro ke ika'ko:

1. Aseke ro moro Bijbel erupako. (Eneko tyre, moro Lukas nimeropo poko ata'moko.)
2. Epekimako. (Tamusi maro orupako. Epanamako enapa i'wa.)
3. Suma maro orupako Jesus poko, moro Bijbel poko enapa. Jesus mo'karon tywekenanamon wota'nanopyry 'se man. Ase'wa iwopanopyrykon 'se man. Ase'wa typoko iwomeparykon 'se man.

Koromono kareta: 'Jezus Messias'. Ero kareta meronenymbo: Willem de Vink. Copyright © 1993 Stichting Wereldtaal, Houten, Nederland. Kari'na auran taka yry'po kareta © 2012.

Ero kareta Kari'na pori'tomanon moro Bijbel erupato'me, moro Kari'na auran erupato'me enapa. Ukuty'pa 'ne roten auranano ta ero kareta pa'kapojan. Digital copyright under the terms of the Create commons BY-SA licence. All rights of translation, reproduction and adaptation reserved for all countries.

ISBN - Worldwide co-edition organised and produced by: Wycliffe Netherlands
address: Postbus 150, 3970 AD Driebergen, The Netherlands, +31(343)517444,
www.wycliffe.nl, e-mail: jm_picturebook_coordinator@wycliffe.org



Jesus Mesias amy typono auranano moro man. I'matypyn me moro auranano man. Romo'no ko'po Jesus tywaije man. Nuro man. Iro ke ro i'maty'pa roten mo'karon uku'namon oty uku'pojaton ipoko. Kynauranaton ipoko. Kareta merojaton ipoko. Moro emamyry u'kujaton. Ero kareta ta ro rypo moro Jesus emamyry tu'ku man.

language: Karaiebs

ISBN: -